









1699.

1. Fabricius, Jacobus: De phtisi renali calculo vesicae complicata.
2. Flender, Johann Antonius Henricus: De differentiis ultimarum voluntatum et consuetudinum.
3. Gerlach, Christian Ignat: De commutatione iudicii petitorii et possessorii.
4. Hedinger, Joh. Reinhardus: De jure circa oppignorationes civitatum.
5. Hertius, Joh. Nicolaus: De servitute tacite constituta.
6. Hertius, Joh. Nicolaus: De uno homine plures sustinente personas.
7. Hertius, Joh. Nicolaus: De electione ex obligatione alternativa debitori debita.
8. Hertius, Joh. Nicolaus: Epitaphus perenniarum juris privati et publici Germanicarum.

- 9<sup>a</sup> Hertius, Fr. Nicolaus: De diplomatis Germaniae  
imperatorum et regum.
- 9<sup>b</sup>: Hertius, Johann Nicolaus: De fide diplomatum Germaniae  
imperatorum et regum. Accessit appendix loco  
epistola, in qua de defensione diplomatis pro Comitis  
Lindaviciensi, Ludovico Pio subscripti, contra H. Cuan-  
vigi censuram suscepta, disquiritur
10. Hertius, Fr. Nicolaus: De praescriptione, jura  
per temporum intervalla renascentium
11. Hertius, Ludovic. Inventus: De actionibus adjectivae  
qualitatis.
12. Von der Meulen, Petrus Arupheus: De exceptione  
status rei mutati
13. Mollenbecius, Johannes Henricus: De jure rerum Decem-  
vitali vulgo duodecim tabularum.

14. Mollenbeckius, Joh. Hardeus: De regimine civitatis  
Glorioso

15. Palmarius, Henr. Richardus: De fudo Franco. Von  
Frey. Lehen

16. Schmid, Johann Casparus: De obligatione cedentis  
et verum non bonum onem cedendum.

17. Spener, Christianus Maximilianus: De febris maligna  
phthisi complicata

18. Hecherus, Immanuel: Habitus juris naturalis

19. Wentzel, Joann. Bartholomaeus: De probationibus  
et eorundem speciebus

*[Faint, illegible handwriting in a cursive script, likely a historical document or manuscript.]*





8. 1699/1 Cg 1  
DISSERTATIO INAUG. MEDICA

De

PHTHISI RENALI

CALCULO VESICÆ

COMPLICATA,

Quam

AUTORITATE ET DECRETO

AMPLISSIMÆ ET GRATIOSISSIMÆ

FACULTATIS MEDICÆ,

IN

CELEBERRIMA LUDOVICIANA,

PRO LICENTIA

*Summos in Arte Medica Honores & Doctoratus  
Privilegia more Majorum rite capessendi.*

MAGNIFICI

SENATUS ACADEMICI

*Ventilationi submittit*

JACOBUS FABRICIUS,

Francoth. Palatinus.

*Ad Diem XXIII. Maij. MDCXCIX. H. L. Q. C.*

GIESSÆ HASSORUM.

Typ. JOHAN. REINHARDI VULPII, Acad. Typograph.

VIRIS  
INTEGRITATE, PRVDENTIA RE-  
RVM QVE VSV SPECTATISSIMIS,

CONSULIBUS  
DNIS } SCABINIS ET  
SENATORIBUS

ILLUSTRIS CIVITATIS BUTISBACENSIS,

DOMINIS PATRONIS  
FAUTORIBUS ET PROMOTORIBUS  
HONORATISSIMIS,


ob quamplura B. Parenti æquè ac Familiæ no-  
stræ exhibita favoris & amoris  
argumenta,

*Disputationem hanc Inauguralem*

offert & dedicat

JACOB FABRICIUS. A.

PRO-



## PROLEGOMENA.



*NON sine causa Petrus Castellus lib. de Optimo Medico Sect. 6. p. m. 38. Si mortuos tractare metuitis, inquit, jam fœmina, non viri, estis, sine hac scientia manebitis sine Medicinâ. Cum enim viscera nonnulla C. H. in profundo & abscondito sita sint, hinc si affectibus p. n. afficiuntur, adeò sæpè abstrusa illorum Causa est, ut non nisi illi, qui Cor atque Renes in sacris scrutari dicitur, à priori cognita sit; quapropter saluberrimo instituto corpora demortuorum secare solent. Eruditi, ut à posteriori in cognitionem causæ deveniant, & posthâc in simili morbo Proximo eò facilius succurrere possint, modò sectionibus hisce non abutantur ad excusandum excusationes in peccatis, ut Helmontius alicubi Prosectoribus exprobrare videtur. Utilissimam ergò operam suscepit Stephanus Blancardus, qui in Anat. Practica Rationali, seu Variorum Cadaverum morbis denatorum Anatomica Inspectione è diversis Practicis atque Casuistis Sectiones hujusmodi collegit, variasq; morborum Causas ob oculos posuit, ut eò facilius in Praxi easdem & cognoscere & pracidere valeamus; ad cuius imitationem haud absimilem Casum Butisbaci haud ita pridem à me observatum, loco Speciminis, ut vocant, Inauguralis hâc vice proponere & Amplissime Facultatis Mœdicae indultu publicè ventilare constitui. Faxit DEVS T. O. T. M. ut omnia in Divini sui Nominis gloriam, Proximique commodum cedant feliciter!*

## HISTORIA.

**P**uerulus á Parentibus ex parte scorbuticis progenitus, dimidio ætatis anno impleto, variolis primùm infestabatur prægrandibus usque copiosissimis; his vix curatis præter tumorem colli, qui brevî in abscessum abiit, ulcera inter singulos manuum pedumque digitos supervenerunt, quæ utrobique copiosum pus eructârunt: Urina inde excerni cœpit lactea cum maxima difficultate & ardore: Corpusculum sensim extenuabatur, urgente mox calore p. n. mox friguscule, cum sui intensa & debilitate virium: Tandem impleto ferè quinto ætatis anno exspiravit. Institutâ post mortem sectione, præter ulcus in sinistro Rene conspicuum, Ren dexter penitus exulceratus sordidoq; pure turgidus apparuit: Ureter uterque digiti crassitiem adæquabat, præterea calculus in vesicâ duarum ferè Unciarum repertus, gryseo colore conspicuus. Quæritur quâ ratione malo huic, si unquam rursus observatum fuerit, obviam eundum sit?

RESO.



# RESOLUTIO.

## §. I.



**E**Xtenuationem Corporis à Pulmo-  
num ulcere profluentem omnium frequentis-  
simam esse, nemo facile inficias ibit, qui Pra-  
cticorum Celebriorum monumenta vel è limi-  
ne salutavit : Inde enim est, quòd illi φθίσεως nomen κατ'  
ἐξοχήν tribui soleat. Interim ab aliarum quoque partium vi-  
tio similem quandoque tabem induci, Observationes Pra-  
cticorum testantur. Ita alii à pleuræ, a) alii à mesenterii, b)  
alii ab hepatis c) ulcere phthisin obortam fuisse notârunt, &  
si Antiquiores consulamus, ipse Cœus *Phthisin Renalem* se ob-  
servâsse refert, d) quâ & puerulum hunc laborâsse ex histo-  
riæ relectione patet, eâque non simplici, sed vesicæ calculo  
complicatâ; quem quidem affectum *definimus*, quod sit ex-  
tenuatio totius cum concretione lapidea, febre, mictu pu-  
rulentò aliisque symptomatibus ab Ulcere Renum prove-  
niens.

## §. II.

Hoc autem affectu Puerulum nostrum laborâsse pro-  
bant 1. *Essentialiter inhærentia* : Contabescencia scil. totius  
corporis, febris, mictus purulentus, dolor ferè contiuus

A 3

Uretaræ,

a) Dolæus Encycl. Med. lib. 2. p. 291. b) Gr. Horstius. Oper. Med.  
T. 2. p. 526. c) Schenck, Obs. Med. l. 3. p. 414. d) Libr. de intern. affect.  
p. 266.

Urethræ, quorum alia Phthisin alia Calculum concomitari solent. 2. Idipsum confirmant *Antecedentia*, Variolæ scil. quas sæpius Ulcera partium internarum æquè ac externarum subsequi Praxis docet, e) *Ætas* item puerilis, quæ Calculo præ aliis est obnoxia, f) & quæ primò nominanda erat *Dispositio scorbutica hæreditaria*, quæ ob copiam acidi vitiosi calculo pariter ac ulceri fomitem subministravit. Sicuti & 3. Reliqua *Symptomata* inde *profluentia*, mictio dolorifica, sitis intensa, debilitas &c. *symbolum* suum addunt. Quò (licet à posteriori) referenda quoque venit *ατροφία*, quæ calculum & ulcera intueri licuit, ut adeòque de duplicato hoc affectu minimè quis dubitare possit.

§. III.

Sicuti autem totum corpusculum quoad omnes ferè partes miserè emaciatum, respectu φθίσεως, ita vesica urinaria respectu calculi *pro subjecto affectus* meritò habetur. Primarius autem mali fons & *subjectum causæ* erant *Renes*, qui ut cætera machinæ hujus microcosmicæ emunctoria vitali purpuræ depurandæ dicati sunt. Antequàm enim sanguis, per arterias emulgentes earumque subtilissimas ramificationes advectus, à venis emulgentibus resorbeatur, in glandulis renalibus, à Malpighio detectis, depurationem subire cogitur, ubi serum salibus imprægnatum per modum filtrationis g) à reliqua massa separatum, per tubulos, quibus singulæ gaudent, excretorios, in annexas his carunculas papillares, indeque in pelvim derivatur, per Ureteres in Vesicam deponendum, debitoque tempore per Urethram excernendum. Quod secretionis negotium cùm noctes

atque  
e) Vid. Fr. Hofmann, Fundam. Med. Pathol. cap. 3. §. 68. & Dolæus l. c. p. 786. f) Hippocr. Aph. 26, sect. 3. g) Buxbaum Catech. Med. p. 1. quæst. 89.

atque dies continuetur, mirum non est, à fermento acido corruptivo tubulum unum alterumvè corrosum, Renum parenchyma exulceratum, sicque elabente sensim sero nutritiô materiam calculo generando subministratam fuisse.

§. IV.

*Causa Proxima & Immediata* Phthiseos est exulceratio Renum, facta à ☉e acido & austero in M. S. hospitante, ceu *causa mediata*: Ubi paucis notâsse sufficiat, quòd M. S. texturam diversi generis corpuscula ingrediantur, chylosa puta, serosa, sulphurea, terrestria, ☉ina, & ut paucis multa complectar τὰ μυσία Hippocratis, quæ tamen in statu s. n. debent esse proportionata, cùm uno vel altero excedente in temperies statim observari solet. *h)* Licet itaque in statu naturali ☉acidum in M. S. contineatur, quod experimentis probat Hofmannus *i)* quantitas ejus tamen hîc in tantum fuit adaucta, ut spicula à particulis globulosis non amplius involvi potuerint, unde est, quòd tubulos renum facillimè dilaceraverint. Calculi autem genesin quod attinet, causa proxima ejus est defectus particularum ☉ino volatiliùm oleosarum, balsamicarum, & hunc consequens materiæ viscidæ in substantiam duriozem concretio, *k)* quæ nihil aliud est, quàm materia renum purulenta, quæ unà cum acido vitioso mediatam causam constituit.

§. V.

Quâ ratione autem *Symptomata* in Casu recensita ab acido hoc profluant, facillimum est explicare. Primis sc. mensibus fermentum acidum citra incommodum hæsit in M. S. ob arctissimum connubium cum reliquis sanguinis particu-

*h)* Hofmann, Fund. Med. Physiol. cap. 3. *i)* Dissert. de acid & viscid, Cap. 6. p. 25. *k)* Waldschmid, Instit. Med. Rat. lib. 2, c. 12, p. 87.



particulis *l*) quamprimùm autem corpuscula acida à reliqua massa fuerunt separata, lancinando partes nervosas Spiritus in varias ataxias concitarunt, qui furore quasi perciti partes heterogeneas undarum instar ad corporis peripheriam, cœni maris microcosmici littora, exterminare conati fuerunt, *m*) ubi poros minus congruos nactæ sub cuticula hæere cogebantur, & sic exanthematum causa exstiterunt. Quâ ratione, utut insignem copiam evacuatam fuisse extra omnem dubium sit, maximam tamen quantitatem remansisse, ex subsequentibus facile colligi potest; hæ ipsæ enim sunt, quæ colli tumorem excitârunt, vasa ejus spiculis suis rigidioribus *n*) vellicando, quæ dum in gyrum torquebantur, humoribus circulantibus viam præcludebant, unde his stagnantibus, aliis autem à tergo sequentibus vasa extendebantur, sicque quantitas aucta videbatur. Acrimoniâ inde majore per diuturniorem moram contractâ humores dilaceratis vasculis substantiam musculosam excoriârunt, emunctoque nutrimento proprio puri generando ansam dederunt, & ab hac quoque causa reliqua ulcera derivanda veniunt, inter manuum pedumque digitos, ob copiosiores glandulas ibi dispersas & materiæ peccanti magis expositas, cum primis conspicua. Reliqua inde portio circulationis lege cum sanguine ad Renes delata tenerioribus tubulis ex parte corrosis ipsum parenchyma exulceravit, succo nutritio, per poros destructos, elabente & unâ cum acido in pus album abeunte, eodem penitus modo, ac Olivarum oleum cum aceto conquassatum album evadit, quo simili utitur laudatus Hofmannus. *o*) Huic autem materiæ purulentæ, sicuti calculus ortum debet, ita & reliqua symptomata adscribenda sunt. Dum enim portio ejus  
cum

*l*) Fr. Hofm. F. M. Pathol. Cap. 3, §. 72. *m*) Id. l. c. §. 66. *n*) Waldschm. Inst. Med. Rat. L. 1, Cap. 2, §. 17. *o*) Patholog. Cap. 5, §. 39.



cum sanguine, per venas emulgentes redeunte, M. S. fuit  
 communicata, mixtura ejus turbata sicq; febris inducta fuit.  
 Vasculis sc. capillaribus visciditate nimia obstructis, sic-  
 que spirituum animalium influxu denegato, non potuit non  
 frigusculum perferri, redeunte tamen mox calore, quia  
 æther, transitu, ob stagnantem sanguinem, denegato, per spa-  
 ciola vacua movebatur, ut globulosas sanguinis moleculas,  
 quæ deficiente motu inter se coiverant, disjungeret, cujus  
 poros perumpens particulas insensibiles exagitabat, à qua-  
 rum vario & inordinato motu Calor p.n. dependebat. p) Du-  
 rante autem hoc motu febrili cibi in laudabile nutrimentum  
 non poterant converti, quin serum in sanguine restitans par-  
 tim ex Renibus emungebatur, partim ab admixto miasmate  
 purulento inquinatum partibus nutriendis ineptum redde-  
 batur, unde Contabescencia totius ortum duxit, juncta cum  
 Debilitate, ob maximam spirituum deperditionem. Reli-  
 qua portio ad Vesicam delata cervicem obsidendo transitum  
 seroso latici denegabat, quâ ratione, dum illa justo nimis ex-  
 tendebatur, orificia insimul Ureterum, inter utramque ejus  
 membranam decurrentia comprimebantur, ut adeòque mi-  
 rum non sit, & horum quantitatem à sero copiosius collecto  
 in tantum adauctam fuisse. Ruptis tandem repagulis unâ cum  
 sero exterminabatur, ubi Urethram jamdum leviter exco-  
 riatam transiens acrimoniâ suâ & asperitate sensationem do-  
 lorificam excitabat, quin & ipsam urinam lacteo colore im-  
 buens, post aliqualem moram naturali gravitate fundum pe-  
 tendo sedimentum constituebat. Cùmque ob dispositionem  
 scorbuticam M. S. à particulis balsamicis fuerit depaupera-  
 ta, probabile admodum est, ab exsuperante acido austero  
 hanc ipsam in Vesica coagulata in lapideam substantiam  
 B concre-

p) Excell. D. Valentini Physic. Gissen. P. Gen. Cap. 5, 6, 7.

concrevisse, successuque temporis agglutinatione aliarum  
molecularum in tantam molem abiisse, quæ continuâ com-  
pressionē & vellicatione Urethræ tantos dolores excita-  
vit, qui quidem à copiosiore potu assumpto tantisper immi-  
nuebantur, quòd sero copiosius affluente, Calculus eleve-  
batur, sicque in Vesicæ Cavitate fluctuans fibrillas mem-  
branarum minus attingebat: Accedit, quòd hâc ratione  
Oia peccantia magis diluta & spicula eorum magis occultata  
fuerint. Copiosiore autem potum hauriebat puerulus,  
continuâ siti pressus, partim ob defectum seri, salivæ genera-  
ndæ dicati, quo per æstum febrilem absumpto faucium mem-  
branæ interiores non legitimè potuerunt humectari, partim  
ob maximam salivæ, à corrupto miasmate inquinatæ, acri-  
moniam, quâ fauces lancinando molestissimam illam sensa-  
tionem produxit.

§. VI.

Quibus omnibus *ex Causis Remotioribus* occasionem  
dederunt *Ætas puerilis & Dispositio scorbutica hæreditaria.*  
*Ætas* enim hæc sicuti ob teneriorem partium structuram Ex-  
ulcerationi & hinc obortæ Phthisi præ aliis videtur obnoxia,  
utpote in qua fibræ non adeò robustæ sunt, ut materiæ peccan-  
tis impetum perferre valeant, ita ob ἀδδηφαιαν calculi gene-  
rationem promovit, quatenus Cibis non legitimè subactis  
particulæ Chyli balsamicæ oleosæ non fuerunt extraversæ,  
quæ aliàs acidi spicula obtundendo, generationem ejus im-  
pedire potuissent. Eâdem ratione plurimum hûc fecit Di-  
spositio scorbutica, quæ Embryoni, adhuc in Uteri claustris  
hærenti, à matre communicata fuit, cum fermentum illud  
peccans cum nutrimento, per Umbilicalem venam advecto  
æquè ac post partum cum lacte exhibitum M. S. simili cha-  
ractere

raetere notaverit, unde brevi post tot Symptomatum gravissimorum syndrome oborta fuit. Quammaximè verò è Rebus Praternaturalibus morbo huic ansam dedisse videntur rudera quædam à Variolis relicta, quæ non tantùm abscessum in collo, ut & ulcera intra manuum pedumque digitos produxerunt, sed & Renes exulcerare potuerunt; ad quæ præcavenda Laxantia aliaque sanguinem depurantia Curæ Variolarum subjungenda esse, sæpissimè in Collegiis suis inculcasse novi Excellentissimum D. D. Valentini p. t. Facult. Med. Decanum, Præceptorem meum ac Patronum omni honoris cultu suspiciendum.

§. VII.

Optandum autem fuisset in *Prognosi*, ut juxta illud Nasonis: Principiis obsta, Medicamentorum convenientium usu visceribus affectis statim prospectum fuisset, ita enim soluta Unitas consolidari, calculi generatio impediri, verbo, malum in herba supprimi potuisset; quod cum, morbo ob profundiorè affectæ partis situm minus se prodente, fuerit intermissum, mirum non est, quòd radices sensim agendo immedicabile tandem evaserit, sicque tot medicamentorum adhibitorum vim eluserit. Perfectam enim Curam ejusmodi Renum ulcera confirmata haud admittere, non sine ratione asserit Br. Seidelius, q) ex eo, quia remedia ob remotiorem situm integras vires in affectam partem exerere non valent, unde frequentissimè calculosos vitam phthisicè finiisse, observavit Mortonus Anglus r) Accedit, quòd neque suffitus neque Injections abstergentes aliavé externè adhibita eò pervenire queant. Ut taceam, à continua seri acrioris vellicatione malum indies exasperari. s) Ita nec Calculus grandior

B 2

q) Tract. de morb. incurab. p. m. 24. r) Phthisiolog. Lib. 3. Cap. 6. p. 103. s) Fernel. Ambian. Pathol. L. 6. fol. 143. & seq.

dior factus filiceamque duritiem adeptus, teste Celeb. Ludovico <sup>t)</sup> medicamentis cedit, sed sectionem requirit, quæ tamen, sicut in se periculosa, hîc ob debilitatem virium institui non potuisset, imò si vel ex voto successisset Operatio, è materia morbosa tamen indies affluente alius facile procreatus fuisset,

§. VIII.

Proinde, si ullibi sanè hîc, maturanda fuisset *Cura*, quæ his potissimùm nititur Indicationibus, ut sc. 1. Causæ externæ removeantur. 2. Dispositio scorbutica corrigatur. 3. Materix Renum purulentæ æquè ac calculo via pareatur. 4. Noxa renibus illata emendetur, & denique 5. Symptomatum ratio habeatur,

§. IX.

*Primum* fit imperando legitimam Diætam, quæ in decenti Rerum 6. Non Naturalium regimine consistit. Ex harû autem censu primas quidem tenet Aër, qui eligatur temperatus, purus, inquinamentis morbidis haud infectus. Neq; reliquæ tamen hîc negligendæ sunt, & in primis in cibo & potu assumendo Temperantia commendanda venit; copiosius enim & inordinatè si ingeratur cibus, fermentum stomachale obruitur, quod dum assumpta minus digerere valet, cruditates cumulantur, quæ plurimis Symptomatibus fores pandunt. Ita qualitatis intuitu Cibi sint *εύχρημοι* & *εὐπεπτοι*, nocent autem falsi & acidi, utpote qui M. S. acriorem reddendo ignem igni addunt. Potus sit Decoctum hordei, cum liquiritia, pasfulis similibusque paratum. In motu & quiete servetur mediocritas; sicuti enim per commotiones vehementiores post partum in primis institutas <sup>u)</sup> chylus crudior ad Renes præcipitatur,

t) Pharmac. moderno secul. applic. Diff. 1. p. m. 198. u) Vid. Exc. D. Valent. Medic. Nov. Antiq. Part. 6, Cap. 4. p. 209.

cipitatur, sicque commoda calculo materia subministratur, ita per otium nimium transpiratio insensibilis, quâ oia peccantia eliminari debebant, sufflaminatur, & humores ad stagnationem disponuntur. x) Idem tenendum de somno & vigiliis, quæ utrobique sint moderata. Consuetarum etiam evacuationum ratio habeatur, in primis alvus servetur lubrica, cum scybala in intestino recto hærentia calculum in Vesica commovere valeant; cujus intuitu & affectus animi vehementiores fugiantur,

§. X.

Ad secundam Indicationem absolvendam faciunt primò Laxantia, quâcunque formâ adhibita; licet enim Purgantia in Phthisi nociva esse judicet Waldschmidius, y) illud tamen de fortioribus & drastis, ipsam M. S. colliquantibus, intelligendum est, quæ in affectu hoc, cum primis confirmato, nocerent. Potius ergò commendari hîc merentur Lenientia, fomitem morbosum è primis viis evacuantia, qualia sunt Sennata, in specie decantata illa aqua laxativ. Manna-gettæ, cui manna, syrupus Rosar. solut. mechoacanna & similia commodè misceri possunt. Quibus deinde Diaphoretica quandoque subjungenda sunt, volatilia pariter ac fixa, utpote quæ partim acidum p. n. absorbent & ut vulgò loquuntur præcipitant, partim per cutis poros eliminant, v. gr.

℞ Pulv. bezoard. Lud. ziss.

℥ diaph. Dj.

Cin. ℥ ℥.

⊙ vol. C. C.

viperar. ā. gr. iij. M. D. S.

Versüssend Pülverchen des Tags drey mahl eine Messer  
spißvoll zunehmen.

B 3

℞ ▽

x) Waldschm. Inst. Medic. Rat. L. 2. Cap. 8. & J. Zach, Furst Dia-  
log. Hygiast. C. 6, P. 119, y) Institut, L. 5. Cap. 12, §. 5.

℞. ▽ Fumar. ℥i.  
 ex lignis ℥j.  
 Tinct. ℥ii ℥j.  
 Spir. ☉ \* c. ℥j.  
 Syr. contrayerv. ʒvj. M. D. 3. Abends im  
 Schlaffen gehen einen Löffelvoll zu geben.

§. XI.

*Tertia* satisfaciunt Diuretica leniora virtute emolliente vias urinarias ampliantia; ubi commendari meretur decoctum contra calculum Foresti, quo per biduum usurpato in Illustri quadam Persona calculum, qui in dextro rene hæserat & phaseolum referebat, absque ullo dolore excretum fuisse memini. Profunt & omnia ex alkekengi baccis parata, ut & terebinthinata, v. g. ipsa Terebinthina Veneta cum Vitello Ovi soluta, & in brodio exhibita, vel Emulsio inde parata; in specie vero spiritus terebinthinæ super sacch. Saturn. digestus, qui præterquam quòd gratâ rubedine se commendat, quam hæc ratione Elsholtzio teste z) acquirit, insimul respectu febris magis redditur specificus, cujus intuitu Phthificos sub imperio Saturni esse censet Paracelsus. a) Externè autem simul usurpentur Balnea & Insessus, ex emollientibus, vel etiam simplicissimè ex polenta & stramine avenæ parata, ad imitationem Sim. Pauli b) exhibendo ante horum ingressum Oleum amygdalar. d. vel solum, vel cum syrupo de althæa Fernelii anaticâ portione cum tantillo sacchari mixtum. Horum loco etiam oleum scorpionum cum fructu adhibetur, vel & Epithema aliquod applicatur. v. g.

℞. Cortic.

z) Destillator. Curios. Cap. .2 p. 6. a) Oper. Tom. 1. p. 554. Edit. Argentin. in Fol. b) Quadriparr. Botan. p. 214.

℞ Cortic. cepar. M. j.

Flor. chamom.

verbasc.

genist. ana. P. ij.

Sem. lini ℥iij.

apii ℥ij. D. S.

Sachen in einem

Säcklein in Wein zu kochen und warm überzulegen.

His nil proficientibus ad fortiora transeundum, pellentia sc. ubi egregiè se habet Tinctura Tartari, cum primis si Sale volatili insectorum fuerit acuata, quæ ita præscribi potest.

℞ Tinctur. Tartari ℥ij.

Milleped. præp. ℥l. Stent in infusione per 24.

horas Colat. D. S. Eröffnende Tinctur Morgens und Nachmittags 6. Tropffen einzugeben.

vel si potiuncula magis arrideat,

℞. Aq. fragor.

alkekeng. an. ℥j.

Spirit. aperit. Penot. ℥j.

Ocul. cancr. alcolis. ℥l.

Syr. capillor. ♀. ℥l.

M. S. Wässerchen Löffelweis zu gebrauchen.

§. XII.

Pro quarto scopo conveniunt omnia balsamica, vulneraria, unitatem solutam consolidantia, ubi in specie Balsamus Locatelli, quantitate avellanæ sæpius in juscule exhibitus, egregius est, item Bals. de Copaiva, qui commodissimè in forma Balsamo - Sacchari exhibetur, & ita præscribi potest.

℞. Balsam. de Copairv. ℥j.

Sacch. Canariens. q. s. F. pulv.

D. S. Heylender Zucker davon offte eine Messer - Spitz voll zunehmen. &, quæ

&, quæ primò nominanda erant, Decocta vulneraria, quorum descriptiones videantur hinc inde apud Auctores. Simplicissimum, utut non temnendarum virium, paratur ex petroselino *c)* vel hedera terrestri, in cujus singulo haustu gutta una vel altera Balsami Sulphuris terebinthinati exhiberi potest. Horum tamen vicem Lac vaccinum, in quo Radices mucilaginosæ & vulnerariæ v. gr. liquiritiæ, consolidæ, althææ, similesve decoctæ fuerint ad imitationem Plateri *d)* saccharo edulcoratum sæpius haustum supplere potest.

§. XIII.

Tandem ut ultimæ quoque Indicationi satisfiat, ad Dysuriam leniendam profunt omnia mucilaginosa & balsamica, in primis Emulsiones ex Seminibus frigidis paratæ v. gr.

*Rx. Sem. 4. frigid. maj. ā. ℥j.*

*papav: alb. ℥ij. C. S. q.*

▽ *violar. f. Emulsio add. ocul. caner.*

*prap. ℥s. Edulc. c julep. Rosar. q. s. D. S. Stillende*

*Milch zuweilen ein paar Löffel voll zu nehmen.*

Externè Injections fiant in Urethram ex lacte dulci, in quo Rad. alth. & liquir. decoctæ fuerunt, addendo simul quid Terebinthinæ, formulæ variæ videantur apud Practicos. Quòd si dolor quidam Nephriticus (quem infantuli non semper exprimere possunt) conjunctus fuerit, ad hunc demulcendum varia hinc inde commendari videas, præ cæteris tamen laudari meretur seq pulv.

*Rx. Ocul.*

*c)* Jonston Idea Medic. Pract. L. 10. Tit. 2. C. 1. *d)* Observ. L. 3. p. 317.



℞. *Ocul. cancr.* ℥j.  
*Cin. nativ. præp.* ℥l.  
*Pulv. anod. Lud.* gr. vj.  
*M. D. pro 3. Dosisibus.*

Cui, si potiuncula magis expetatur, hæc substitui potest:

℞.  $\nabla$ . *fragor.*  
*ononid.* ā. ℥j.  
*Troch. alkekeng.* ℥j.  
*Theriac. Cæl.* gr. ij.  
*Syr. de alth.* ℥l.

M. S. Stillendes Träncklein zuweilen einen Löffelvoll zu nehmen.

& si alvus justo contumacior sit, externè simul Clyster infundatur, ex lacte dulci cum butyro non salito paratus, vel terebinthinatus v, gr.

℞. *Decoct. emoll. vel lact.* ℥ij. l. iij.  
*Terebinth. c. vitell. Ovi sol.* ℥l.  
*Sacch. Thom.* ℥l. M.

Extenuationi succurrimus per Diætam Lacteam, quæ præmissis præmittendis hîc egregia est; ad præcavendam autem lactis coagulationem tantillum sacchari vel mellis addatur. e) Jungantur tamen insimul specifica antihectica v, gr.

℞. *Antihect.* Poter. ℥j.  
*Spec. diatrag. Fr.* ℥l.  
*Sacch. L.* gr. vj.

*Canariens.* ℥j. M. S. Sonderlich Pulver

Morgens und Abends ein Messer spiz in der Milch zu nehmen.

Et hæc in morbo incipiente sufficere potuissent. In malo autem desperato quidam Nevrotomiam instituendam esse suadent, ut scil. parti primariò affectæ Remedia facilius applicari

C plicari

e) Exc. D. Valent. Medic. Nov. Antiq. Part. 6. p. 195, & Dolæus Encyclop. Med. L. 2, p. 311.

plicari possint; imò sunt, qui cauterio actuali, in substantiam Renum adacto, apostemata Renum in pluribus felicissimè curata fuisse asserunt. Verùm cum Operationes hæ sint periculosissimæ, & Medici fama facilè inde lædi possit, ab iisdem abstinendum & potius Symptomatibus, quantum fieri potest, succurrendum suademus, quod quâ ratione fieri debeat, ex prioribus aliquomodo patet; plura ergò qui desiderat adeat Practicos, & in specie ante laudatum Mortuum in Phthiologia exasciatissima & in Praxi utilissima. Hæc pro scopo nostro sufficiant. Deo pro concessa hactenus gratia sit Laus Honor & Gloria in sempiterna secula.

## COROLLARIA.

I.

**I**N Inspectionibus Cadaverum ex vulnere demortuorum sectio totius requiritur, licet occisus subito corruerit & expiraverit. Vid. Constit. Crim. Carol. V. art. 149.

II.

Nec in infanticidio sufficit stigmata externa inspicere, sed pariter sectio instituenda, quam qui negligunt, gravissimè errare videntur.

III.

III.

*Certum Impregnationis signum ex Urina haberi  
riri posse nego.*

IV.

*Extracta è Residuo aquarum destillatarum  
parata aequè bona, ac quæ ex herbis re-  
centibus fiunt, esse, Ratio docet & expe-  
rientia.*

V.

*Extracta cum Vino parata plus sæpè nocere  
quàm prodesse solent, cùm vinum stigma  
acidissimum relinquat.*

VI.

*Lues Gallica, utut perfectissimè curata videa-  
tur, ruderà tamen aliqua ut plurimum  
relinquit, nam*

*Quo semel est imbuta recens servabit &c.*

VII.

*Canis rabidus haud ita pridem Heri sui pedes  
lambit, qui an hoc sibi nociturum sit ex  
Medico querit? Mihi quid videatur di-  
cam in conflictu.*

C 2

VIII.

VIII.

*Licet V. S. in Pleuritide benigna saepius sit profi-  
cua, eandem tamen in maligna admodum  
nocere ex novellis ordinariis Parisiensibus  
nuperrimè innotuit, quæ omnes illos, in  
quibus V. S. heic administrata fuit, interi-  
sse affirmabant.*

IX.

*Chirurgia Transfusoria, quâ sanguis hominis  
sani aut bruti in Venas alterius transfun-  
ditur, hodiè quidem exolevit, interim,  
præterquàm quòd Circulationem sangui-  
nis demonstrat, in nimis quoque vulnerum  
hemorrhagiis insignem adhuc usum præ-  
bet.*


F I N I S.




(X2617999)

1017







B.I.G.

Farbkarte #13

1699/1 *Cop* <sup>1</sup>

NAUG. MEDICA

RENALI

VESICÆ

ICATA,

ET DECRETO

GRATIOSISSIMÆ

IS MEDICÆ,

LUDOVICIANA,

CENTIA

*a Honores & Doctoratus  
majorum rite capeffendi.*

NIFICI

ACADEMICI

*ni submittit*

FABRICIUS,

Palatinus.

DC XCIX. H. L. Q. C.

ASSORUM.

DI VULPII, Acad. Typograph.

